



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

VI. Beatam dicit Virginem Nahasson; quia Virgo in antiquum serpentem
habet imperium.

[urn:nbn:de:hbz:466:1-51821](#)

6. Beatam dicit Virginem Nahasson.

Quia Virgo in antiquum serpentem habet imperium.

Num. 2. Ad Orientem figet tentoria Iudas per turmas exercitus sui, eritque Princeps filiorum ejus Nabasson Filius Aminadab. Idem Num. 7. Primo die ante alias obtulit munera in dedicationem altaris. Nabasson idem est quod serpens. Hier. in nomin. Hebr. An quia fortè serpentem vicit. Serpens est hostis noster, & quidem qualem describit Hilarius lib. 30. c. 34. Non frangunt illum marforum cantus, & consopita viperarum sibila, contumax illa atque insolens antiqui serpentis inobedientia, cantus Sanctorum non audit. Istum serpentem Virgo contrivit, ut prædictum in Paradiso. De quo S. Cypr. Non dixit Deus inimicities pono, sed ponam, nè ad Eam pertinere videretur, sed ponam, id est, suscitabo mulierem, quæ repudiata facilitate credendi, te non audiat. S. Jren: adv. bæres: lib: 5. c. 19. Ut quemadmodum adstrictum est morte genus humanum per inobedientiam Virginis, ita solutum est per obedientiam alterius Virginis, & quia summè obediens fuit, in serpentes accepit imperium. Isai 27. In illa die visitabit Dominus in gladio suo duro, & grandi & forti, super Leviathan serpentem vectem, & super Leviathan serpentem tortuosum, & occidet eum. LXX. legunt, draconem, qui est in mari. Draco fuit tortuosus, qui in primo Adami peccato, totum orbem spiris ingentibus involuit, vectis erat, in quantum SS. Patres in limbo tenuit, hunc in gladio vicit.

Lyran: In Filio suo explicat. Sed cur Nahasson principatum in donis tenet, cum quartus esse deberet? Nam ex tribu Iuda est: Priores autem illo Ruben, Simeon, Levi. Respondebat Abul: & Lyra. Ut prophetia Jacob de tribu Iuda impleretur, quem ille leunculum, leænam, & leonem nominaret: & altari nomen suum indidit. Isai. 29. Væ Ariel, Ariel civitas quam expugnavit David. Ariel ut explicat Euseb: Cœsar: in Cat: Græc: ad c. 43. Ezech: idem est, ac leo Dei, quoniam ibi altare fuit Dei, & devorabat omnes, quæ in ipso offerebantur animalium victimas. Hieron: in cap: 43. Ezech: Ariel nomen refertur ad altare, in quo vel illuminatio Dei est, vel leo & fortitudo ejus, dicente Jacob ad Iudam: Catulus leonis Iuda, ad prædam Fili mi ascendisti. Hinc primus ad altare venit, qui nomen suum altari indidit. Stabat altare Domini vacuum præcipuâ & principali victimâ, ab ipso mundi initio, donec tandem Virgo S. Filia Nahassonis illam imponebat. Hoc est quod dixit S. Germ: de Præsentat: Virgo est donum Dei maximè novum, Donarium salutare omnis lætitiae. Idem ferm: de Nativit: Propterea Deus invitat Ezech. 39. Concurrite undique ad victimam meam, quam ego immolo, victimam grandem: Christum in Cruce.

V 2

7. Beatam